



FONDACIJA CURE

# VIJESTI

Juli/August/Septembar 2023.

## Treće izdanje u 2023.

Želimo dobrodošlicu povodom novih Vijesti Fondacije CURE koje obuhvataju događaje i novosti iz naše zajednice tokom perioda juli - septembar 2023. Uživajte u čitanju i ostanimo u kontaktu!

## Zagovaranje za ženska prava u Bosni i Hercegovini



Fondacija CURE od 2021. godine implementira projekat Zagovaranje za ženska prava u Bosni i Hercegovini koji podržava švedska Fondacija Kvinna Till Kvinna. Feminističke aktivnosti zagovaranja za ekonomsko osnaživanje i društveno-ekonomske mjere podrške zavećinu

marginaliziranih skupina žena čine zasebni dio ovog projekta. Cilj projekta jeste razvoj adekvatnih strategija i donošenje institucionalnih mjera ekonomskog osnaživanja marginaliziranih grupa žena s posebnim akcentom na žene koje su preživjele nasilje u porodici u FBiH.

## Ekonomsko osnaživanje

Nastavljamo poduzimati korake ka ekonomskom osnaživanju žena u Federaciji Bosni i Hercegovini. U sklopu naše zalagačke platforme želimo istaknuti doprinos Svetlane Cenić i Jasminke Džumhur čije su recenzije obogatile naš zalagački materijal Ekonomski osnažENE koji je

pripremila naša vanjska saradnica Maida Zagorac. Pored toga aktivno smo predstavljale Vodič za ekonomsko osnaživanje žena - resurs koji pruža korisne smjernice ka ekonomskom osnaživanju i ostvarivanju prava.

## Iskustvena transformacija mirovnog aktivizma



22. 7. u saradnji sa Udruženjem žena Jadar iz Konjević Polja / 4. 8. u saradnji sa Fondacijom za unaprjeđenje obrazovanja i kulture Izvor nade / 8. 8. u saradnji sa Udruženjem žena Romkinja Bolja budućnost iz Tuzle Ilidža/Sarajevo / 19. 9. u saradnji sa Centrom za integrativnu inkluziju Roma i Romkinja OTAHARIN Bijeljina

U proteklom periodu održane su radionice za mlade na kojima smo razgovarale o potrebi da mlade osobe preuzmu aktivniju ulogu u mirovnim procesima u BiH i imaju pristup svim oblicima učešća u društvu tokom procesa izgradnje mira. Takođe, naglašena je važnost promocije uloge mladih u razvoju demokratskog društva, posebno u lokalnom i regionalnom javnom životu.

Održane su četiri radionice i to:

- 22. 7. u saradnji sa Udruženjem žena Jadar iz Konjević Polja,
- 4. 8. u saradnji sa Fondacijom za unaprjeđenje obrazovanja i kulture Izvor nade Ilidža/Sarajevo,
- 8. 8. u saradnji sa Udruženjem žena Romkinja Bolja budućnost iz Tuzle i
- 19. 9. u saradnji sa Centrom za integrativnu inkluziju Roma i Romkinja OTAHARIN Bijeljina.

## Pristup predvođen pokretom

U prethodnoj fazi projekta Pristup predvođen pokretom (Movement-Led Approach) koji je pokrenuo Globalni fond za žene (GFW) u osam balkanskih zemalja (Albanija, Bosna i Hercegovina, Hrvatska, Kosovo, Sjeverna Makedonija, Crna Gora, Slovenija i Srbija), radile smo na izradi dokumenata za uspostavljanje sistema dodjele grantova s Komitetom za dodjelu grantova. Ovaj

Komitet čini 16 istaknutih zagovaratelja/ica prava žena i LGBTI+ osoba iz osam država naše regije. Fondacija CURE usmjerila je svoje napore na saradnju s članovima/icama Komiteta radi uspostave postupaka dodjele grantova za Fond za rodnu pravdu - Pokret na Zapadnom Balkanu.

## Iskorjenjivanje rodno zasnovanog nasilja

Fondacija CURE, u saradnji sa Alternativnim centrom za devojke iz Srbije, Centrom za edukaciju, savjetovanje i istraživanje (CESI) iz Hrvatske i NVO Prima iz Crne Gore, realizira projekat UProot Gender Based Violence. Projekat ima za cilj podizanje kapaciteta i razmjenu iskustava na regionalnom nivou kako bi se iskorijenilo rodno zasnovano nasilje.

U skladu sa navedenim, jedna od aktivnosti održana je tokom PitchWise festivala kada smo organizovale panel na temu Rodno zasnovano nasilje – mijenjanje pravila i praksi – pregled stanja u BiH Srbiji, Crnoj Gori i Hrvatskoj.

## Izgradnja kapaciteta Ženske mreže BiH

Ženska mreža BiH fokus svog djelovanja usmjerila je na jačanje zalagačkih kapaciteta kroz tehničko poboljšanje naših socijalnih platformi. Naša web stranica [www.zenskamreza.ba](http://www.zenskamreza.ba) i dalje prenosi najnovije vijesti koje se tiču kvaliteta

života žena i djevojčica u Bosni i Hercegovini, te predstavlja resurs za sve one koji/e traže informaciju više.



## Razvoj kapaciteta Fondacije CURE

Radi se o dugogodišnjem projektu koji pruža podršku razvoju kapaciteta članica Fondacija CURE, ali i realizaciju programa prevencije stresa i sagorijevanja. Jedan od takvih programa je

poboljšanje vidljivosti našeg rada, ali svakako i pružanje podrške kako bi ojačale kapacitete osoba i organizacija koje su dio ženskog pokreta u BiH.

## Bonds for Change

Fondacija CURE je u julu i avgustu 2023. godine implementirala projekat *Povezivanje radi promjene – približavanje ženskog aktivizma i političkog angažmana* kojeg je finansirala Evropska unija.

Ciljevi ovog Projekta su bili:

- Uspostava dijaloga i razmjena iskustava i ekspertize u zagovaranju rodne ravnopravnosti između **organizacija civilnog društva i žena na političkim pozicijama u BiH.**
- Smanjivanje jaza između ciljeva rodno osviještenih politika i političkog života u BiH.
- Povezivanje žena iz medija i akademske zajednice sa političarkama i organizacijama civilnog društva kroz promovisanje rodno osviještenih politika u široj javnosti.

U projektu su učestvovalе političarke, predstavnice organizacija civilnog društva koje se bave javnim politikama u oblasti rodne ravnopravnosti kao i predstavnice medija i akademske zajednice (profesorice, novinarka, analitičarke) koje su potpisale Memorandum o razumijevanju na temu buduće saradnje. Projektne aktivnosti uključivale su organizaciju tri konferencije i izradu tri akciona plana u oblasti političke participacije žena, borbe protiv rodno zasnovanog nasilja i ekonomskog osnaživanja žena. Planovi su predstavljени na završnom događaju kojem su prisustvovali/e predstavnici/e relevantnih institucija i organizacija.

## Inicijativa „Građanke za ustavne promjene“

Inicijativa Građanke za ustavne promjene zalaže se za Ustav Bosne i Hercegovine koji će osigurati veću zaštitu ljudskih prava i sloboda, sa posebnim fokusom na rodnu perspektivu. Pokrenuli su je aktivisti/kinje i organizacije iz cijele BiH koji/e žele da ohrabre sve građane/ke da koriste svoje znanje, energiju i spremnost na uzajamno djelovanje i doprinose ispunjenju ciljeva Inicijative. Predstavlja neformalnu grupu koja okuplja 35 organizacija civilnog društva i aktivista/kinja koji kontinuirano rade na razumijevanju pojmova spola i roda, mira, slobode i ljudskih prava.

U prethodna tri mjeseca članice Inicijative Građanke za ustavne promjene organizovale su:

- Trening Integrirane sigurnosti za braniteljice ženskih prava koje su članice Inicijative, a u cilju jačanja kapaciteta i brige o sebi;
- Zalagački sastanak s Anidom Šabanović,

predstavnicom Mreže progresivnih inicijativa radi razmjene ideja i strategija;

- Predstavljanje Inicijative studentima/studenticama u Sarajevu, Banjoj Luci, Brčkom i Mostaru radi podizanja svijesti, poticanja dijaloga i saradnje među mladima u vezi s ustavnim promjenama.

Rezultat predstavljanja Inicijative studentima/cama je vidljiv i kroz analizu *Primjena koncepta orodnjavanja ustava na Ustav Republike Srpske* koju je izradio student Stefan Ivetić.

## Mir sa ženskim licem

Fondacija CURE jedna je od trinaest ženskih aktivističkih organizacija koje su članice Inicijative Mir sa ženskim licem koju vode Fondacija Lara iz Bijeljine i Udruženje HO Horizonti iz Tuzle. Inicijativa je formirana kao odgovor braniteljki prava žena na isključenje žena iz politika tranzicione pravde i neosjetljivost ovih politika na štetu i patnje koje su žene u BiH preživjele tokom rata i u godinama rehabilitacije od ratnih

posljedica. Aktivistkinje Fondacije CURE su u sklopu Inicijative učestvovala na konferenciji Žene, mir, sigurnost - Rodni aspekti politika izgradnje mira u Bosni i Hercegovini u Sarajevu, na kojoj je prisustvovalo oko 25 učesnika/ca.



# Gender and Leadership Summer School



Fondacija CURE implementirala je projekat Southeast Women's Academic Leadership Network-a u saradnji sa Univerzitetom u Prištini, a koji je podržala The Dennis A. and Julia Watkins Fondacija. Cilj je bio edukacija studenata/ica socijalnog rada da postanu kritički orijentisani/e, kao i da se prikažu, promovišu i razmotre različite metodologije koje vode prema društvenim

promjenama, demokratizaciji i pravedom građanstvu u cijeloj regiji jugoistočne Evrope. Ljetna škola kojoj je prisustvovalo 41 učesnik/ca održana je u periodu od 3. do 7. 9. 2023. godine na Fakultetu političkih nauka u Sarajevu. Tema ljetnje škole bila je Inovativno istraživanje socijalnog rada u jugoistočnoj Europi: Integrisanje pravde, ljudskih prava i građanskog angažmana.

<p>BOSNA I HERCEGOVINA БОСНА И ХЕРЦЕГОВИНА BOSNIA AND HERZEGOVINA</p> <p>Festival ženske umjetnosti i aktivizma 07. do 10. septembar 2023.   Historijski muzej BiH</p>	<p>ЛИЧНА КАРТА ЛИЧНА КАРТА ОСОБНА ИСКАЗНИЦА IDENTITY CARD</p> <p>ИМЕ/ИМЕ/ NAME Pichwise, Festival ženske umjetnosti i aktivizma</p> <p>МЈЕСТО РОЂЕНЈА/МЈЕСТО РОЂЕЊА/ PLACE OF BIRTH Sarajevo, Historijski muzej BiH</p> <p>ГОДИНА РОЂЕНЈА/ГОДИНА РОЂЕЊА/ DATE OF BIRTH 2006</p> <p>ГОДИНА РЕАЛИЗАЦИЈЕ/ ГОДИНА РЕАЛИЗАЦИЈЕ/ YEAR OF EST. 18</p> <p><b>CURE</b></p>	<p>ПОТПИС/ПОТПИС/ SIGNATURE <i>PitchWise</i></p>
--	---	--



# PitchWise festival ženske umjetnosti i aktivizma

Ove godine Fondacija CURE obilježila je i proslavila punoljetstvo organizovanjem osamnaestog Festivala ženske umjetnosti i aktivizma PitchWise (PW) koji se održao u periodu od 7. do 10. 9. 2023. u Historijskom muzeju BiH i na ulicama Sarajeva.

Veoma smo ponosne i sretno što smo ugostile više od 300 osoba (registrovanih u toku četiri dana Festivala pored volonterki i organizatorki) kao i još oko 200 osoba koje su prisustvovala noćnom programu PW-a. Učesnici/e su bili/e iz lokalne zajednice, svih dijelova Bosne i Hercegovine i regije (Srbija, Hrvatska, Slovenija, Crna Gora, Kosovo, Njemačka). U sklopu programa predstavilo nam se oko 70 umjetnica, teoretičarki, aktivistkinja i feministkinja.

Ovogodišnja centralna tema PitchWise-a je bila: **ODLUČNE CURE RUŠE PATRIJARHAT – MI TO RADIMO VEĆ 18 GODINA!**

## PitchWise IZLOŽBE

---

U periodu od 7. do 10. 9. 2023. godine u Historijskom muzeju BiH postavljeni su umjetnički radovi u sklopu izložbi „Ars Feminae“ kustosice Elme Hodžić.

Umjetnice koje su izložile svoje radove su: Nermina Alić - Luna; Elma Alić Šobot - She; Elma Čaušević Mujezinović - Pruži ruku!; Edita Gazibara - Oltar prirode; Kasja Jerlagić - Pucanje po šavovima; Džejlana Karaman Pašić - Sloboda je ženskog roda; Maja Matašin - Fe; Meliha Teparić - Naša zemlja; Adrijana Todorović Panjeta – SVOJA.

## PitchWise VIDLJIVOST

---

Fondacija CURE je u 2023. godini omogućila dokumentovanje PitchWise festivala ženske umjetnosti i aktivizma. Zahvaljujući tehnologiji, osobe koje nisu mogle doći na PitchWise ipak su mogle prisustvovati festivalu jer su svi paneli i većina festivalskih događaja bili pokriveni live streaming-om. Analiza live stream-a PitchWise

Fondacija CURE iskreno se zahvaljuje svim organizatoricama, volonterima/kama, dizajnerkama vizuala, medijima, sestrinskim organizacijama i donatorima/kama na podršci, energiji i entuzijazmu uloženi u ovaj festival.

Fondacija CURE je poručila: Vaše ideje, snaga, znanje i predanost ostavili su neizbrisiv trag na PitchWise, a vaša prisutnost i doprinos činili su svaki trenutak vrijednim. Hvala vam što ste bile i što ste još uvijek dio ove nevjerovatne zajednice koja je donijela svjetlost i promjene u naše živote. Hvala vam, hrabre žene, za 18 nevjerovatnih godina!

Osamnaesti PitchWise donio nam je brojne izložbe, kreativne radionice, predavanja, performanse, predstave, promocije knjiga, diskusije, a sve kako bismo prenijele drugačiju priču, priču o izgradnji mira, toleranciji, poštovanju, humanosti i kako bi pružale otpor svim opresivnim politikama.

GUERRILLA GIRLS su se na ovogodišnjem PW premijerno predstavile sa simboličnim radom: Svijet treba novo oružje: Estrogensku bombu. ([guerrillagirls.com](http://guerrillagirls.com) / [facebook.com/guerrillagirls](https://facebook.com/guerrillagirls) | [twitter.com/guerrillagirls](https://twitter.com/guerrillagirls) | [instagram.com/guerrillagirls](https://instagram.com/guerrillagirls) Guerrilla Girls);

Tokom trajanja festivala predstavljena je aktivistička historija prethodnih PW festivala u vidu izložbe PW plakata, fotografija i majica.

festivala 2023. godine samo u 15 dana nam je pokazala da je četiri (4) live stream-a pregledalo preko 500 osoba, te da imamo ukupno 1700 reachova na dan 22.9.2023. Analiza FB stranice pokazala je da je u prethodnom periodu 11 postova vezanih za PitchWise festival ženske umjetnosti i aktivizma imalo doseg od 20 700.





## Stażiranje i volontiranje

Imali smo privilegiju raditi s izvanrednom skupinom volonterki koje su dale svoj dragocjeni doprinos u organizaciji PitchWise događaja. Pomagali/e su pri uređenju prostora, pripremi opreme i materijala, osiguravale tehničku podršku, te bile prvi kontakt s posjetiteljima/kama pružajući im sve neophodne informacije.

Naše volonterke nam daju podršku i pri organizovanju protesta i s nama su rame uz rame

u svakoj borbi. Želimo im svima iskreno zahvaliti na njihovom nesebičnom doprinosu.

Fondacija CURE ima oko 20 aktivnih volonterki koje doprinose radu i rastu same fondacije. Redovni sastanci i komunikacija preko Viber grupe dešava se gotovo svakodnevno i tu smo da podržimo sve inicijative i prijedloge naših volonterki.

## Američke volonterke

Ove godine u Fondaciji CURE mjesec dana su boravile dvije američke studentkinje sa vojne akademije West Point. Kao dio programa koje aktivistkinje Fondacije CURE individualno provode sa inicijativom Women Waging Peace, Elizabeth i Margaret su dale direktan doprinos održavanju Povorka ponosa 2023, podržale akciju podjele



hrane i osvježenja u Konjević Polju, učestvovala u zadnjem dijelu Marša Mira, pridružile se aktivistkinjama u obilježavanju geneocida u Srebrenici, podržale naše prijateljice PK „SPID“ i SFK Sarajevo, te vodile časove konverzijskog engleskog sa članicama tima Fondacije CURE.



## EuroMed Feministička inicijativa

Fondacija CURE je članica EuroMed feminističke inicijative EFI - zagovaračke mreže koja obuhvata organizacije za prava žena s dvije obale Mediterana i zagovara ravnopravnost spolova i prava žena kao neodvojiva od izgradnje demokratije i građanstva, politička rješenja za sve sukobe i pravo naroda na samoodređenje. U

prethodnom periodu imale smo nekoliko online sastanaka tokom kojih smo vršile pripreme za strateškog planiranja Mreže, te dogovorile aktivnosti koje se tiču proslave 20. godina od pokretanja EFI mreže. Članica Fondacije CURE trenutno obnaša funkciju predsjednice Odbora mreže.

## Mreža za izgradnju mira

21. 9. 2023. godine povodom Međunarodnog dana mira prisustovale smo dodjeli Mirovne nagrade Goran Bubalo u Centru za mlade, Grbavica, Sarajevo.

## ERA - Savez za jednaka prava LGBTI osoba na Zapadnom Balkanu i u Turskoj

ERA - Savez za jednaka prava LGBTI osoba na Zapadnom Balkanu i u Turskoj je regionalna mreža koja se bavi unaprjeđenjem prava LGBTI osoba (lezbijki, gejeva, biseksualnih osoba, transrodnih osoba i osoba s rodno specifičnim identitetima) na području Zapadnog Balkana i Turske. Glavni ciljevi organizacije su borba protiv

diskriminacije, nasilja i kršenja ljudskih prava LGBTI osoba, te promoviranje inkluzivnog društva u kojem će svi pojedinci i pojedinke imati jednaka prava i mogućnosti, bez obzira na njihovu seksualnu orijentaciju, rodni identitet ili izražavanje.

## Ženski sud – regionalni organizacioni odbor



Radni sastanak Odbora održan je 22. i 23. 9. u Sarajevu. Nakon istorijski važnog događaja, slučaja Foča, razgovarale smo o procesu

svjedočenja, o osjećanjima, da li se nešto promjenilo u životu osoba koje su svjedočile, te o daljem radu na finaliziranju dokumentacije za knjigu i film.

## ILGA

ILGA (Međunarodna lezbejska, gej, biseksualna, transrodna i interspolna asocijacija) je svjetska organizacija koja se zalaže za prava LGBTQ+ osoba. ILGA je osnovana 1978. godine i jedna je od najstarijih i najvećih organizacija za

zagovaranje prava LGBTQ+ osoba širom svijeta. Misija ILGA-e je promovirati i zaštititi prava LGBTQ+ osoba kako na međunarodnom, tako i na regionalnom nivou.

## Neformalna mreža Digitalna bezbjednost i privatnost

Fondacija CURE je članica prve neformalne regionalne mreže za digitalnu bezbjednost i privatnost.

# IGLYO

IGLYO (Međunarodna LGBTQI+ organizacija za mlade i studente) globalna je mreža i organizacija za zagovaranje usmjerena na promociju prava i dobrobiti LGBTQI+ mladih i studenata. Misija IGLYO-a je osnažiti LGBTQI+ mlade ljude i

studentske aktiviste(kinje) pružajući im platformu za saradnju, dijeljenje znanja i zagovaranje pozitivnih promjena.





Digitalno zalaganje koje se emituje na našim socijalnim profilima polako postaje zaštitni znak Fondacije CURE. Bilo da se događaj emituje uživo ili u formi podcasta, presretne smo što imamo priliku upoznati širu javnost sa sjajnim

ženama iz Bosne i Hercegovine koje pomijeraju (nevidljive) granice i direktno rade na unaprjeđenju života žena i djevojčica u svojim lokalnim zajednicama. Stay tuned – jer nove sjajne priče tek dolaze!

## PitchWise produkcija

Paneli koji su održani tokom PW festivala kao i promocija knjige, te program otvaranje festivala sada su dostupni na našim društvenim mrežama.

**PROGRAM OTVARANJA FESTIVALA** možete pogledati na FB stranici i YouTube kanalu Fondacije CURE, na linku: [https://www.youtube.com/watch?v=eS\\_TpByZdqQ](https://www.youtube.com/watch?v=eS_TpByZdqQ)

**PANEL „Rodno zasnovano nasilje – mijenjanje pravila i praksi – pregled stanja u BiH, Srbiji, Hrvatskoj i Crnoj Gori“** možete pogledati na FB stranici i YouTube kanalu Fondacije CURE, na linku: <https://www.youtube.com/watch?v=va24TdZxg4Y>

**PANEL „Sestre outsajderke ruše patrijarhat!“** možete pogledati na FB stranici i YouTube kanalu Fondacije CURE, na linku: <https://www.youtube.com/watch?v=swGY0IWTB28>

**PANEL „Raširi krila djevojčice“** možete pogledati na FB stranici i YouTube kanalu Fondacije CURE, na linku: <https://www.youtube.com/watch?v=ygsTU6UdNk>

U proteklom periodu u okviru projekta Iskorijenimo rodno zasnovano nasilje izradile smo publikaciju Rodno zasnovano nasilje – mijenjanje pravila i praksi – pregled stanja u BiH, Srbiji, Crnoj Gori i Hrvatskoj.

Publikacija je dostupna na:

<https://fondacijacure.org/wp-content/uploads/2023/09/Rodno-zasnovano-nasilje-mijenjanje-pravila-i-praksi-pregled-stanja-u-BiH-Srbiji-Hrvatskoj-i-Crnoj-gori.pdf>



**RODNO ZASNOVANO NASILJE - MIJENJANJE PRAVILA I PRAKSI - PREGLED STANJA U BIH, SRBIJI, HRVATSKOJ I CRNOJ GORI**

Priručnica  
Maja Šenk

CURE - ONLINE KAMPANJE

Fondacija CURE završila je online kampanju koja je provedena u sklopu projekta Iskorijenimo rodno zasnovano nasilje. Kampanja je trajala od juna do septembra 2023. godine i uključivala je ukupno 27 vizuala koji su se emitovali na Instagram i Facebook profilu Fondacije CURE. Instagram profil je imao ukupno 5417 lajkova i pregleda objava, a Facebook 599.

Online kampanja s inspirirajućim porukama koje potiču na solidarnost, empatiju i povezivanje političarki i aktivistkinja provedena je i tokom trajanja projekta Bonds for Change (juli - avgust 2023.). Na Facebook profilu Fondacije CURE, kampanja je privukla 104 lajka, a na Instagramu 548.





## Obilježavanje 28. godišnjice genocida u Srebrenici

Kao i svake godine do sada, aktivistkinja Fondacije CURE i naše volonterke su se pridružile solidarnoj akciji podjele hrane i osvježanja učesnicama i učesnicima Marša Nerzuk – Srebrenica koju organizuju naše prijateljice iz UŽ JADAR Konjević Polje. Fizički i emotivno iscrpljujući događaj koji se održava na Mravinjcu 9. jula nije prepreka za dobrovoljno učestvovanje u ovoj akciji. Zajedno sa drugim mirovnim aktivistkinjama i aktivistima podijelile smo preko 2500 sendviča, na hiljade litara vode, voća i slatkiša. Pored našeg dobrovoljnog rada,

akciju su podržali i pomozi.ba, ISCOS Emilia Romagna, Veganer, privatni poduzetnici i drugi.

### Srebrenica

U znak pijeteta prema žrtvama genocida i solidarnosti sa preživjelima, aktivistkinje Fondacije CURE tradicionalno se pridružuju obilježavanju genocida u Srebrenici 11. jula. Naša posvećenost izgradnji kulture sjećanja, izgradnji mira i vrijednostima ženske solidarnosti kroz učešće u Regionalnom odboru Ženskog suda je neupitna.





# Promocija NULTE tolerancije na nasilje

## Protesti u Jablanici protiv nasilja

Članice Fondacije CURE prisustvovala su na protestu podrške Enisi Klepo u Jablanici. Izražavamo punu podršku i solidarnost sa Enisom Klepo i solidarno stojimo pri stavu da niti jedna žena nije sama u svojoj borbi.

## Protest u znak otpora femicidu

Fondacija CURE najoštrije osuđuje bilo koji oblik nasilja nad ženama! Članice Fondacije CURE potresene ubistvom žene u Gradačcu organizovale su mirni protest istog dana kako bi na taj način odale počast ubijenoj ženi i skrenule pažnju javnosti da se femicid sistemski treba strogo kažnjavati. Nakon ovog događaja, članice Fondacija CURE su se pridružile različitim

protestima, govorele u medijima, pisale saopštenja, bile na sastancima i panelima, učestvovala u javnim govorima, a sve s ciljem da skrenu pažnju na problem femicida u BiH i promovišu NULTU toleranciju na nasilje.

U znak solidarnosti sa građankama i građanima Gradačca, članica tima Fondacije CURE Selma Hadžihalilović je u ime Ženske mreže BiH prisustvovala javnoj tribini koja je održana u Gradačcu i izrazila našu kolektivnu solidarnost sa svima koji su na bilo kakav način pogođeni tragedijom koja se desila u ovom malom gradu.

Aktivistkinje Fondacije CURE pružile su punu podršku pri Helsinškom parlamentu građana iz Banje Luke prilikom organizaciji ulične akcije u Sarajevu koja je održana kao dio istoimene kampanje.



### ŽENA, SUPRUGA, MAJKA

Ubijena jer je prijavila nasilje!  
Gradačac, 11.08.2023.

Ožalošćeni: Građanke i građani Bosne i Hercegovine.



### KOJA JE SLJEDEĆA?

Ubijena jer niko nije reagovao!

Ožalošćeni: Građanke i građani Bosne i Hercegovine.

Akivistkinje Fondacije CURE predstavile su rad Fondacije studentima/ica Local Coordinator for GMU Study Abroad courses in the Balkans početkom jula u Sarajevu. Oko 30 studenata/tkinja prisustvovalo je ovom događaju.

Akivistkinja Fondacije CURE prisustvovala je konferenciji Evropskog parlamenta Srbija jer smo izabrane za partnersku organizaciju civilnog društva za regionalnu realizaciju mentorskog programa za žene Podijeli svoje znanje.



### AKTIVNOSTI KOJIMA SMO PRISUSTVOVALE

Fondacija CURE je u periodu juli - septembar 2023. godine učestvovala u nekoliko aktivnosti koje su organizovale drugih organizacija gdje smo imale priliku da se umrežavamo i povezujemo sa oko 50 osoba aktivnih u području ženskih prava u BiH i regiji. Učestvovala smo na različitim događajima, radionicama, konferencijama, okruglim stolovima, diskusijama od čega izdvajamo: razgovor na temu Oživljavanje prošlosti: ima li nade za nas? u organizaciji Fondacije Heinrich Böll u Sarajevu,

razgovor s projektnim timom Vijeća Evrope na temu Borba protiv digitalnog i seksualnog nasilja nad ženama u Bosni i Hercegovini, te konferenciju Atlantske inicijative koja provodi projekt Krivična djela iz mržnje i govor mržnje.

Fondacija CURE je u periodu od jula do septembra 2023. godine održala najmanje 10 sastanaka, učestvovala u intervjuima i upitnicima i radila sa preko 100 osoba (pojedinaца/ki, kao i sa predstavnicima/ama organizacija) s ciljem izgradnje ženskog pokreta, promocije ženskih prava, te dogovarala buduće suradnje. Ponosne smo što smo na različite načine saradivale sa različitim osobama, organizacijama, međunarodnim organizacijama i institucijama, od čega izdvajamo:

Članice Fondacije CURE prisustvovala su sastanku kojeg je organizovala organizacija „Zašto ne“ sa gradonačelnikom Zagreba Tomislavom Tomaševićem povodom njegove službene posjete Sarajevu. Govorile smo o femicidu u Bosni i Hercegovini i naporima iz malih lokalnih zajednica u prevazilaženju traume, o rodno zasnovanom nasilju, o ženskim pravima i feminizmu te drugim aktualnim društvenim problemima. Raduje nas prilika da saradujemo sa Gradom Zagrebom u vezi pitanja unaprjeđenja kvalitete života u našim zajednicama.

Članice Fondacije CURE prisustvovala su sastanku sa visokim predstavnikom u BiH

Christianom Schmidtom, te razgovarale o procesima nevladinih organizacija vezano za izmjene i dopune krivičnog zakona i analizu udžbenika, te predstavile zalagačke dokumente koji su izrađeni u prethodnom periodu, a tiče se femicida u BiH.

Od ostalih sastanaka i intervjuja izdvajamo: sastanak sa predstavnicima/ama Ministarstva za ljudska prava u organizaciji Udruženja Snaga žene, predstavnicima/ama organizacije Front Line Defenders, sastanke koji se tiču harmonizacije zahtjeva za izmjenu i dopunu Krivičnog zakona FBiH sa Sarajevskim otvorenim centrom, CPCD-om, predstavnicima/ama Ministarstva za ljudska prava, predstavnicima/ama Ambasade SAD-a, članicama Platforme Javne rasprave, predstavnicima/ama Ministarstva za rad i socijalna pitanja Kantona Sarajevo (kreiranje Gender akcionog plana Kantona Sarajevo), sastanke sa članicama Ženske mreže BiH, predstavnicima akademske zajednice i sl.



Povodom početka Globalne kampanje 16 dana aktivizma, Fondacija CURE, kao i svake godine, organizuje uličnu akciju pod nazivom Odlučne cure dižu glas protiv ratova, femicida i nasilja!

25.11.2023. u 12:00 sati na platou ispred SCC-a.



## GLOBALNA KAMPANJA 16 DANA AKTIVIZMA

PROTIV RODNO ZASNOVANOG NASILJA  
[www.fondacijacure.org](http://www.fondacijacure.org)



### PRATITE NAS I PRIKLJUČITE NAM SE!

+387 33 207 561

[info@fondacijacure.org](mailto:info@fondacijacure.org)

[www.fondacijacure.org](http://www.fondacijacure.org)

[fondacijacure](https://www.facebook.com/fondacijacure)

[@fondacijacure](https://www.instagram.com/fondacijacure)

[@Fondacija\\_Cure](https://twitter.com/Fondacija_Cure)

[Fondacija CURE](https://www.youtube.com/Fondacija_CURE)

Hvala donatorkama i donatorima u 2023.!

Global Fund for Women (GFW); Fondacija TRAG/Fondacija OAK; Mediterranean Women's Fund; Sigrid Rausing Trust; Women's World Day of Prayer (WWDP) - German Committee; Western Balkans Fund; Julia and Dennis Watkins Foundation USA; Kvinna till Kvinna (KTK)/Helsinki Committee for Human Rights; Heart and Hurt Found; Delegacija Evropske unije u BiH i Ured specijalnog predstavnika Evropske unije; Heinrich Böll Stiftung Sarajevo (HBS); Friedrich-Ebert-Stiftung u Bosni i Hercegovini (FES); ISCOS – Emilia Romagna;